

《佛說無量壽經》 補充講表

◎附表十七：

○第三十一願：國土清淨，皆悉照見十方一切無量無數不可思議諸佛世界，

《大佛頂首楞嚴經》卷四云：「於一毛端，現寶王剎（小中現大）；坐微塵裏，轉大法輪（大中現小）。」

《維摩詰所說經》不思議品第六云：「諸佛菩薩有解脫，名不可思議。若菩薩住是解脫者，以須彌之

高廣內芥子中無所增減，須彌山王本相如故。……住不可思議

解脫菩薩，以一切佛土嚴飾之事，集在一國示於眾生。」

※小中現大，大中現小者：如一尺之鏡，能現千里之境，鏡子不必放大，境界不用縮小，以鏡望境，小中能現大相，彼此不相妨礙，成事事無礙法界。（糅合《楞嚴經講義》）

※理法界：黃金。事法界：金戒指等。理事無礙法界：黃金不礙金戒指等，金戒指等也不

礙黃金。事事無礙法界：金戒指等互相轉變（事得理融）。

○第四十願：樹中現剎

《佛說觀無量壽佛經》云：「此諸寶樹，行行相當，葉葉相次。於眾葉間生諸妙華，華上自然有七寶果。一一樹葉，縱廣正等二十五由旬。其葉千色，有百種畫如天瓔珞，有眾妙華，作閻浮檀金色。如旋火輪，宛轉葉間，涌生諸果，如帝釋瓶。有大光明，化成幢幡，無量寶蓋。是寶蓋中，映現三千大千世界，一切佛事。十方佛國，亦於中現。」

○第四十一願：他方國土諸菩薩眾，聞我名字，至於得佛，諸根缺陋不具足者，不取正覺。

《唐譯》云：「若我成佛，餘佛剎中所有眾生，聞我名已，乃至菩提，諸根有闕，德用非廣者，不取菩提。」「陋」：不好看，醜。

○第四十二願：他方國土諸菩薩眾，聞我名字，皆悉逮得清淨解脫三昧，…不取正覺。

「清淨解脫三昧」，是「念佛三昧」異名也。

※住定供佛：即止中起觀，寂而常照也；供養諸佛而不失寂定，即照而常寂也。乃止觀雙照，寂照不二。

※印光大師於《念佛三昧摸象記》中，以體、相、用來說明念佛三昧的意境：

□其相如雲散長空，青天徹露。親見本來，本無所見。無見是真見，有見即隨塵。到此則山色溪聲，咸是第一義諦。鴉鳴鵲噪，無非最上真乘。活潑潑應諸法，而不住一法。光皎皎照諸境，而了無一物。

□語其用，如旭日之東升，圓明朗照。

□語其體，猶皓月之西落，清淨寂滅。即照即寂，即寂即照。雙存雙泯，絕待圓融。譬若雪覆千山，海吞萬派。唯是一色，了無異味。無罣無礙，自在自如。

○第四十三願：他方國土諸菩薩眾，聞我名字，壽終之後，生尊貴家。若不爾者，不取正覺。
※明願意者，十信菩薩（大乘）雖遊化，宿業未盡，生生生下賤家，化物不普，故興此願，言聞名之力速除業障，世生生托豪貴家也。三賢住定菩薩常生貴家，無此難。

《大智度論》云：「三賢菩薩生尊貴家，謂王家、婆羅門、長者、居士也。」

《大智度論》卷三十八云：「何以故正生剎利等大家，不生餘處？答曰：生剎利，為有勢力；生婆羅門家，為有智慧；生居士家，為大富故，能利益眾生。貧窮中，自不能利，何能益人！」

○第四十四願：他方國土諸菩薩眾，聞我名字，歡喜踊躍，修菩薩行，具足德本。

《唐譯》云：「若我成佛，餘佛剎中所有菩薩，聞我名已，若不應時修菩薩行，清淨歡喜得平等住，具諸善根，不取正覺。」